

象州志卷之四

遷謫 附流寓 仙釋

州隸西粵南服即古陽壽縣地雖與中上風氣稍殊然較之潮陽儋耳諸郡蠻煙瘴雨密箐深林迥乎別矣特以僻處天末間為孤臣放逐量移之鄉及騷客流覽嘯歌之地耳夫人不因地以著而地必賴人以傳古今來奇杰有意之徙或遭疑謗而貶或託佛老而逃其一時流寓所經往往山川從而生色父老借為美談者何可勝道以是嘆地之

象州志 卷之四 遷謫

一

靈總在乎人之傑也志

唐

薛仁貴絳州龍門人以破高麗功拜大將軍封平陽郡公咸亨元年征吐蕃敗績原死除名未幾高麗餘衆叛起為雞林道總管坐事貶象州會赦還帝思其功召見曰疇歲萬年宮微卿我且為魚前日殄九姓破高麗爾功居多於是拜代州都督柳奭字子邵蒲州人貞觀中屢遷中書舍人外孫為皇后進中書令后廢貶象州刺史坐通宮掖謀

行鳩毒被殺期以上並流嶺表神龍初復官爵開
元中柳渙為中書舍人上言臣從伯祖奭與褚遂
良等同被譴戮雖復原雪而子孫殆盡惟曾孫無
忝客籍龔州願許伯祖歸葬孤孫北遷於是詔無
忝護奭柩歸官給喪事後無忝官至潭州都督

宋

張庭堅字才叔廣安軍人為右正言薦司馬光呂
公著蘇軾蘇轍可用曾布駁之因出陳州初蔡京
守蜀庭堅在幕府與相好及京還朝欲引為用先

象州志

卷之四

遷謫

二

令鄉人諭意庭堅不肯往京銜之遂列諸黨籍又
坐嘗談瑤華非辜事編管虢州再徙象州久之復
故官

范正平字子夷宰相范純仁之子也為開封尉以
事獲罪蔡京及京當國言正平矯撰父遺表又謂
李之儀述純仁行狀妄載中使蔡克明傳二聖虛
佇之意逮送御史府不勝捶楚賴克明辯釋正平
羈管象州之儀羈管太平州

龔夬字彥和瀛州人登進士為御史時章惇蔡卞

用事夬極論其惡請正典刑又論蔡京上誣宣仁
歸咎先帝願正奸臣之罪於是三人皆去又上疏
乞正元祐后冊位號崇寧初元祐后冊再廢言者
論夬首尾建言詔削籍編管房州繼徙象州
高穎紹興中叅福建安撫使坐從岳飛謫象州固
窮守節剛直之性始終不渝

孫覲字仲益晉陵人舉進士文章不為俗態靖康
中為執法改詞臣旋由瑣闥歷吏戶長貳知秀州
溫州臨安諸郡其章疏制誥表奏明辨駿發每一

象州志

卷之四

遷謫

三

篇出世爭傳誦紹興間謫象州久之放歸寓桂喜
其山水作十詠劉彥適陳兗董棻趙子巖與覲同
遊曾公巖嘗自稱初遼道人

胡夢昱字季昭吉水人大理評事星隕之變言今
日禍機有五時輩推其謬諤濟王禍出倉卒議奪
王爵夢昱憤甚援晉太子申生漢戾太子及秦王
廷美事為證又遺書史彌遠反覆責備彌遠大怒
御史李知孝迎合風旨劾夢昱黨逆削籍羈管象
州過桂林桂林帥錢宏祖欲害之未及施而宏祖

暴亡後夢昱以疾卒於象象人每過其處輒捋曰
忠直之居

流寓

宋

韋厥上林人武德間持節壓服生蠻開拓化外功

業卓越一時詔領澄州刺史後隱於象州智誠洞

宋

王安中字履道陽曲人進士及第政和中箋賀瑞

應徽宗稱為奇才為御史論蔡京欺君害民上為

象州志

卷之四

流寓

四

悚然及授知燕山府以遼降將郭藥師同知府事

安中不能制張穀據平州附金後叛金來奔金索

之急安中不得已縊殺之函其守送金藥師懼遂

叛命言官論之安置象州尋放自便卒

仙釋

甘陸象州古車村人有志畧時柳州為南漢所據

詔陸出征每以術得捷拜護國將軍及歸里決禍

福處先知如神州人立廟祀之

甘佃陸之姪也家富好施貧而告者未嘗少吝性

靈異決禍福無不奇中一日聚鄰里告曰吾歷世
矣示衆以修身事言訖瞑目而逝鄉人設廟像祀
之後封惠濟感應侯元和加封惠濟顯應聖公明
加封王號

于道士象州人宋乾德間隱西山巖修道白日飛
昇

獨傲仙女象州馮六村人宋乾德間傲氏與嫂獨
孤氏赴天蓋山採葛飲泉見雙鯉戲水取之墮泉
中獨孤氏救之亦墮經月餘乃於空中呼父母曰

象州志

卷之四

仙釋

五

吾仙女也有過謫人間數滿當還象人因名其山
曰獨傲山

象州志

人物 附孝行 儒林 貞節

山川清淑之氣代有所鍾不因遐裔而限昔人論
列土地人物貞廉磊砢各從其類非謬言也象屬
柳郡下游於山見天蓋聖塘諸峯之蔚然而秀於
水見大樟白丈之決然而深其孕毓靈竒若前代
謝鄧傳呂數君子理學文章膾炙人口至如折衝
禦侮任干城之寄飲冰茹蘖發壺德之光者又指
不勝屈可謂盛矣方今

象州志 卷之四 人物

六

聖教昌明文治之隆卓越千古士生其間豈徒以弋獲
榮名為茲邑增光哉意必有含淳味道涵泳聖涯
非僅樹一州之望將以垂百世之型者是則官斯
土者之所厚望也夫志人物

宋

謝洪安仁鄉人宣和三年與弟澤同登何渙榜進
士初任南海尉改知賀州有政聲博學能文雅遊
縉紳間以氣節自負南遷之客多館於其家鄉評
咸推重焉

謝澤洪之弟與兄同榜號謝家二鳳初任昭州轉
知南州事政聲遠播治內肅清歷陞容管

明

傳敬永樂戊戌進士善屬文任監察御史彈劾中
貴風采凜然以直見忤遂引疾歸杜門不出人不
敢干以私

秦進字廷玉正統戊午舉人幼孤服母教性嗜學
不事嬉遊初為瑞州推官訊獄明允請託不行人
咸憚之歷高肇二府通判嘗因獠寇諸益軍儲盡

象州志

卷之四

人物

七

革宿弊不畏權貴以疾卒訓二子銳欽相繼登鄉
薦

秦顯字孔昭景泰間以歲貢為南平丞時閩寇鄧
茂七作亂顯率兵破賊城賴以全而身冒鋒鏑幾
斃流矢遂棄職歸食貧居淡不干有司日持釣竿
坐河濱得小魚數尾沽酒自樂人稱為釣叟
楊護成化間任臨高知縣承累任苛虐之後政尚
寬簡然能明燭下情民以訟至先得其誠偽善惡
審無大害者論歸自思民感其言中止者多閱數

年民安訟簡以謗累去職新任梁儉來代之日百姓如戀慈母驢者絡繹護堅拒之不去梁曰此無所為而為者吾當一屈楊君以慰吾民乃置一帙於門下命驢者書名須臾帙滿持以示楊勸納所驢已而行就車老稚追送三十里梁嘆服倣其政而行

朗清字溫泉成化間舉鄉試除教授遷南京都察院司務轉工部司務因劾逆瑾被遣後奉勅命褒獎歷任兩京著績清勤州城大街下有司憲坊

象州志

卷之四 人物

八

孟宗文原籍山東武定州人襲祖象州所千戶占籍象州見名宦州城大街有鎮州坊墓在鳳凰山華表翁仲尚存

孝行

鄧敏洪武丁卯舉人鄉任禮部儀制司主事早歲喪父事母陳至孝母忽患篤疾號泣顛天願以身代母疾隨愈後居喪哀毀逾禮廬墓三年足迹不入城府有司顏其堂曰思本

儒林

呂景蒙字希正舉宏治甲子孝廉歷官監察御史
巡上江作操江衍義奏聞蒙著為令又劾蕪湖抽
分奸弊謫潁州判官轉汲縣知縣後陞福州府通
判遷南京大理寺評事俱不就從遊湛泉泉之門
倡明理學其所論說粹然一出於正總制張淨峯
為立理學名儒坊以旌之坊在州城南門外後淨
峯督師過象造其廬接談終日不倦所著有定性
發蒙象郡學的三十卷柳州府志十六卷以壽終
墓在城南

象州志

卷之四

孝行

儒林

九

貞節

國朝

吳氏州人歐耀臣妻年二十七夫以疾卒氏守節
完貞教子砥行克守先業乾隆二年題旌坊在西
門外
王氏州人孟名世妻^年二十二夫歿遺孤尚幼氏
痛失所天恩勤鬻子勉以守成家聲復振乾隆三
年題旌坊在安中里

唐氏州氏世貞長女年十九適江演潮為妻歸十

載無所出勸夫置妾夫以家道蕭條不允所請氏
遂脫簪珥求於韋氏女及妾歸待以恩禮不二年
妾舉一子名尚松方週歲夫演潮卒又二年妾亦
卒演潮遺氏僅有租數百觔氏勤紡績以資衣食
雖至戚亦絕往來撫松成立乾隆七年閤州士民
呈其事於署州牧張坊表其閭曰惠嗣存孝尋張
牧去任未及詳請旌表後氏八十四歲卒

象州志

諸蠻

柳居粵右之中四百皆山大江環之而象適當下
游連藤峽接修平凡層巒複岨密莽深箐尤為獠
獠淵藪其類錯雜其語侏儻其服爛斑性外駸而
內黠自唐至明判服靡常未易幾而理也我朝
列聖相承揆文奪武恩威並濟卉衣馱舌之俗漸為
衣冠文物之盛庶幾革面洗心矣然外示控馭內
寓撫綏又在良有司之審度機宜而不可忽者也

象州志

卷之四

諸蠻

十一

志諸蠻

獠

獠人古八蠻種椎髻跣足衣斑布褐采竹木為屋
繩樞葦竇覆以菁茅種植外獵山獸續食負戴著
背繩繫額履險如飛兒始生稱之以鐵如其重漬
毒水中兒長煨鐵製刀試刀必刃牛項下以肩負
刀一負即殊者良刀也弩名偏架以一足蹶張背
手傳矢往往命中鎗名棹鎗長二丈尤以弩為長
技戰則執鎗人前卻不常以衛弩執弩人口銜刀

手射或冒刃逼之釋弩取口中刀奮擊退去必有
伏弩歲首祭先雜操魚內酒飯於木槽扣槽群號
為禮十月朔男女成烈連袂相舞祭都貝大王謂
之踏獠樂有鐃鼓有胡盧笙竹笛衆音競作擊竹
箏為節性喜擄掠事已即遁生獠不與華通熟獠
或通婚姻又有白獠黑獠大良獠大良有戶口版
籍其俗厚人不問識否至其家輒具牲醴任大嚼
劇飲後被獠殺占逃散城廂村落傭耕採樵為食
獠

獠人元時來自湖北或云粵右土著先時就撫籍
其戶口以充徭役曰獠其頑民好攻擊撞突曰獠
獠俗與獠畧同而尤剽悍男女富者用銀大圈加
頸男衣短窄裂布束脛女衣不掩膝長裙細褶綴
五色絨於襟袂裙幅間善涉水攝裙幅視水淺深
以次收展男女齒等以衣帶相贈遺名曰結同年
既嫁不復相聞相呼以各所生男女小名呼其父
母茅屋板樓樓自棲止下頓牛畜曰蔴欄失牛追
躡牛跡所至村落即貴村之甲老代緝甲老跡至

一村責亦如之迭更數村不可尋則曰匿此所矣
返報失牛家糾衆往諫令賠償乃已席地而炊搏
飯掬水盛夏露處冬圍爐達旦無床衾宴客以肉
盛木具或竹箕均人數分置餘各攜去分肉不均
銜之終身要約必酒肉或屠狗雖行刼鬪狼皆如
約官司覺治先出重金購知其亡處曰買線好掠
縛人入山谷剡大木中鑿為竅納一足械之索資
聽贖伏草射人攻剽村落其天性也善雞卜雞匠
取兩雞骨兩背端執稱祝左骨曰儂儂者我也右

象州志

卷之四

諸蠻

十三

骨曰人人者事也插於小竹筵斜直偏正任其自
然以定吉凶一語不相能輒鬪或傷其一男子讎
只二姓女子則婦之父母伯叔兄弟皆與讎怨借
人助殺曰洗面與其婦通以牛酒謝曰洗粧亦有
生熟二種

山子

山子無版權轉徙無定穴居野處編茅以庇風雨
男女黎黑徒跣斫山種畚或治陶瓠田不糞不火
耕耕一二年視地力盡輒徙去去則火之炙地使

饒疊石為計一二年乃復來謂之打寮每以木皮
絆額繫筐偃偻而趨甲與乙有隙兩相鬪敵背牌
護身遠以標鎗鎗盡挺刀而前謂之對刀一名山
子獠一名過山獠

蛋

蛋人涉海而居或浮家江濱世世以舟為宅貧者
架竹為簾無土著不事耕織惟捕魚供食或編蓬
水滸其種有三取魚曰魚蛋取蠔曰蠔蛋取材者
曰木蛋能辨水色知龍居故蛋人神宮畫蛇以祭

象州志

卷之四

諸蠻

十四

云龍種籍稱龍戶莫登庸其種也

右列諸蠻四條皆就象地所有叅節通志存之
其餘種類尚多非邑所屬概不登錄象之四境
修平武來馬雒諸邑接壤各有獠獠故州之各
鄉多其種類男女徒跣截竹筒而炊待雨而耕
每歲十月屠牛置酒召同類以降神醉則舞刀
劒為戲睚眦結怨報復不已其天性也今雖漸
化舊俗然其性愚頑漢奸之禁不可不嚴加防
範也

象州志

記序 附說

文以載道尤以明道昔賢所謂金玉三墳琴箏五
典是也若夫記序特藝文中之一類耳象雖僻處
天未鴻儒碩生蓄道德而能文章者歷代正不乏
人惜碑殘史闕無田覩其大全也茲特於散亡剝
落之餘收錄一二以見糟粕煨燼未始非道之所
寓云志藝文

象州志

卷之四 記序

十五

重建學宮記

明 郭 棐

昔周武燮伐清明厥功為百王冠詩人美其繇於
建學故其詞曰鎬京辟雍自西自東自南自北無
思不服魯人美僖公之樂泮水故其詞曰既作泮
宮淮夷攸服又曰矯矯虎臣在泮獻馘何津津乎
其言之雋永哉夫固嚮從於武孟津之會八百餘
國而淮夷憬然順魯之化必有使之然者詩人皆
歸於建學之功則學校有關於武事不小矣我祖
宗開基以來銳情於學成宏嘉隆之際赫然綦盛

象州志

卷之四

記序

十六

今上登極首詔督學憲臣嚴飭教養賓興之法於
是天下有司咸知以興學育才為急務迺象郡僻
在西徼先是學宮鞠為花圃明倫堂僅覆以苫啟
聖無詞博士無舍青衿無肄習之所前牧者教者
咸恬然安之甲申春海澄李侯來知州事是秋予
巡歷其地釋奠於先師徧視學宮徘徊慨嘆亟語
侯以修葺之役侯已井然具有成畫於是蠲吉鳩
工初建啟聖祠明倫堂各三間學正訓導衙各一
所殿廡齋閣備加丹雘又於其前闢舊城為進賢

之門規制煥然大具經始於甲申之冬落成於乙酉之春遣博士甘應可弟子員唐賢吳成性來賓陽屬予為記先是予奉三院檄順剿泰山諸巢兢兢為地方防禦計未暇問毛錐也茲學宮鼎峙積焚蕩平適應其會而夷方攸同虎臣獻馘與周之辟雍魯之泮水若合符節乃知仲尼之道行於九夷忠信化於蠻貊問洵非虛語又知揆文奮武相為表裏而李侯興學宏化之功豈其微哉予樂觀厥成故不以弗文辭若夫砥礪問學豐其植以茂其材而對天子之庭勉副今日修學之意是在諸生敬書以俟

象州志

卷之四

記序

十七

重修學宮記

徐秋鶚

明興一統宇內尊師作人詔郡邑各建文廟殿祀先師孔子配四哲庶翼左右列聖門諸賢及儒先民泮池戟櫺如古儀而啟聖名宦鄉賢三祠錯居焉其旁為儒學學中為明倫堂東西若後為齋為署博士弟子員肄業燕習焉制也無中外遠近自非族類隨大小一如制雍雍彬彬名卿碩輔咸於學登進無他門比隆三代而上於此見皇明之化萬載一時仲尼之道萬古一日巍然煥然盛矣西

象州志

卷之四

記序

十八

粵僻處遐壤諸廟學僅僅備數二百年來郡城稍就葺治餘率因陋就簡非體貌象郡在柳稱瘠薄甚學宮卑狹草草就之初殿四楹名宦鄉賢一祠泮形而池壅學名而室闕其他傾圮漶漫若棘若燹如崇聖育才何哉即欲憤發所為而勢碍於拓地財匱於官帑無可奈何之嘆非伊今矣郡侯李公甫蒞治慨焉銳志開初業欲告始而兵憲郭公行部至郡謁先師集諸生講習於庭下遂各捐貲共圖修舉恢拓規畫悉出侯指示六其楹兩其祠

壅者鑿闕者備圮者治漫者飾易木以石易庠為
閔齋舍門垣咸如制而加麗焉增敬一亭於殿右
以奉聖訓闢進賢門於學南以廣士路築層樓於
州北以壯形勝整滌祭器用虔厥祀凡六閱月而
迄事改觀易視赫然稱隆於世郡博文君甘君樂
逢其盛命弟子員尹先知吳登泰徵文以記之夫
儒者頌孔子尚矣曰仲尼之道與王化遠邇曰仲
尼以萬世為土皆惜於不得位而喜於廟祀然說
者謂天理民彝苟不能一日滅於天下則仲尼之

象州志

卷之四

記序

十九

道在一日廟祀固無絕續於聖道者夫事必有所
寄其心羹牆趨步若或見之如使瞻其宮墻奠菜
有儀登其堂序遊息有所廟學固所以寄其天理
民彝之至者與天下於人大矣郡國不得舉祀而
匹夫匹婦罔不尊天敬地則帝室無所庸祀乃南
北郊享天子親跪拜隆禮焉則郊天地廟孔子義
莫重於斯矣侯其知所重者耶象士文教頗遜於
昔其英俊奮發有時抑司風化者於造士未加之
意廟成侯傳諸弟子肄日習其中弦歌禮樂行且

與中州埒則斯舉也其斯郡人文振厲所自始宜
勒於石章於世

象州志

卷之四

記序

二十

重修學宮記

徐濬

本朝同倫同文之化徧天下故自京師以達於海隅之支郡下邑莫不有學咸尊師孔子以宣暢王化者也按史記秦遣任囂平南越置桂林象郡據今之象郡非秦故之地而實則幅幘於桂林者是其郡雖非秦置而入中國時則未始異云自漢歷唐以迄我明二百禩餘仁漸義摩道化涵煦中間穎秀瑰偉之士當有應期出以翊世運者獨桂產奮庸熙載代不乏人而毗主華國之美迄今尤

象州志

卷之四

記序

二十一

錚錚焉與鄒魯河洛之哲相後先此豈桂人之自爾哉蓋唐曲江公以文學導之使然也是以象郡之闢不殊於桂林而聲明文物之懿於彼少讓者寧非職此故哉萬曆十二年冬右江兵巡道憲伯番禺郭公以經武故蒞象謁先師廟進諸生於庭下胥誨之覩廟舊制卑陋學舍頽圯遂盡然動心與州太守李侯謀新之時公帑錢穀匱誦無可發者公首捐俸六十金命侯經營其事大成殿四楹拓為六楹楹前為庭庭東西列兩廡闔以戟門又

前方數武乃櫺星門門外滙為泮池視舊蓋大改
觀矣殿之左則建明倫堂廟舍凡門臺馳道循次
而它具焉啟聖祠專設於殿之背若名宦若鄉賢
齋宇相地而區分秩如也敬一亭以聖謨在焉特
剏建於殿之西進賢門以風氣關焉乃徙易於學
之南以至木甃瓦石塗茨繚垣慮無不周備無不
飾已工始於甲申之冬考於乙丑之春既樂而釋
奠於廟州之人曰自有郡以來蓋亦剏見也已侯
暨學師文君任選甘君任可以學之草剏於國初

象州志

卷之四

記序

二十二

而煥美於今日不可以不識也命弟子員唐國賢
吳成性等屬於為文余惟史稱秦闢桂林象郡置
尉典之則桂林與象其內附中國之時同也沿漢
唐宋以迄於今其歷世又同也則風氣之闢人物
之產教化之洽宜無不同而此顧不桂若者豈直
所處之僻毋亦振飭作新之無人故教化阻而上
習未隆也夫象距桂林數百里其中編戶僅七八
里而外匝崑夷故吏茲上者劬勩於武備而修文
非所先也厥士之奮翼者非無其人然數尚眚窳

而於孔子之道若冬葛而夏裘者亦多矣夫孔子之道非他由居處忠敬而達乎夷狄自忠信篤敬而行乎蠻貊內之可以淑善類外之可以屈羣醜者也惟上無以教之下又不知所以明之其道乃晦而弗克綏戢裔夷光顯人民無惑也由此以談則茲學之建其關係豈淺鮮哉是舉也公首之侯成之孔子之道賴以愈明而夷酋之屈服者蓋有自也使象之人士由此振迅以頡頏桂林則公之功德當與曲江埒矣而侯不亦并有榮哉公諱棐

象州志

卷之四

記序

二十三

番禺人壬戌進士侯

諱

維岳海澄人丁卯鄉進士

孟總戎妻賈夫人墓誌銘

朱燮元

都督峽山孟公之鎮東粵也時為余言生平提尺
劍芟夷羣醜身投霜露荊棘之中二十餘年無憂
內顧者豈一日而忘鷄鳴雄雉之助余唯唯及觀
為具召客脯脍醬酒之屬俱精其僮僕自類出指
使於前井然辦也益以知夫人內行矣屬壬寅歲
抄夫人忽一疾不起公過而泫然曰僕之不弔也
幼與居而老相背入則窅然若割吾形影之半安
能放若蒙莊計惟徼惠一言以慰逝者余謝不敏

象州志

卷之四

記序

二十四

越明年公為請於朝荷卹典備大葬遂以甲辰秋
季遷輜歸將畢窀穸之役持狀堅請余惟夫人實
有懿行身相其夫并膺極貴而厥嗣更翩翩鵲起
皆足以不朽者何可無誌按夫人姓賈氏安仁縣
二賈仲濂女也少即寡嗜弄目無遊睇父為擇快
壻見公方與羣兒戲顧盼偉如嘆曰是駒也而汗
血異日追風逐日亡疑者遂以字公時公父封都
督公即世獨嫡莫夫人洎所自出鍾夫人瑩然一
室慮無以朝夕則以夫人歸蓋甫七歲少於公兩

歲即婉孌及女紅得二婺懽又七年始正初稱家
婦益自力椎布操作拮據靡倦二婺每善病顛天
請代至躬浣濯踰廁無躁容公方少年喜結客以
有主鑰不復問家人生產故得益肆力馳逞弋獵
日夜并究黃石陰符諸說浸浸乎萬人敵矣弱冠
用先是百夫長當就選公內念不能割夫人起勞
曰行矣丈夫吸噓雷動叱咤山驚寧啞啞若兒女
子為哉誰勒燕然而大山者因悉出簪珥佐公
行朝夕奉姑倍謹迨二婺相繼逝涕泣佐公治葬

象州志

卷之四

記序

二十五

總總既於事而竣謂公曰爾身寧爾有耶曩祇以
老母在不以時奮跡行間取封侯萬里業迺以紈
綺老耶公感其言髭鬚戟張凡提兵所至羅旁懷
遠古田雒縣平樂等處數十餘戰斷苴切腐厥功
爛焉大司馬屢晉報可至以都督建大將軍旗鼓
鎮茲東奧其世職則自百夫長陞都指揮僉事而
夫人亦象服翟翅貴矣自公入粵也東溟晏然無
後鯨鯢之波夫人顧不色喜謂此林林貔貅仰給
縣官有事閭里積藏計口而餉何能捐其半菽而

腹果然寧徒以養驕習玩嚙昨市井自豪乎諸島
酋固耽耽不置萬一連舩艍諸不逞少年纘起豕
突胡以策之則益勸公懲腴削嚴簡練母少暇逸
焉生平最節儉與家人語時時及共初食貧時所
御絕無搔頭步搖文綃輕縠之屬見有餘潤即勸
公推嚮併貧受待澤者人人沾矣其教二子尤慈
不慶嚴少不率噍呵無貸故長子沉勇酷似其父
從征黎播等處屢陷陣建奇功而次子又燁燁美
文詞并稱豪舉焉嗟乎深山大澤實產龍蛟既視

象州志

卷之四

記序

二十六

若夫又視若子斯其為夫人矣夫人生嘉靖癸卯
二月二十五日至萬歷壬寅十一月二十日卒於
正寢享年六十丈夫子二長鄒勲應襲三科武舉
以軍功先劄授鎮撫娶縣丞郝敏問之女次鄒偉
郡廩生娶教授吳元勲之女女一適庠生何所見
孫甲辰閏九月十八日葬於鳳山麓是為銘銘
曰靡不有伉而孰也登壇靡不有嗣而孰也兩賢
髻而歸耆而仙弓之僵也以角而矢之激也以弦
鸞函白天皇澤方鮮吁嗟鳳隱兮鳳之阡

州舊誌序

徐濬

象故闕誌誌乃今郡太守閩海澄李侯所創構也
侯郡甫一載首飾學宮以興起人文為第一義次
建文昌閣以佐地脈禁運江小舡母入西北鄉與
修荔諸酋通甚盛心事上敬則剗分司以待問
俗若外之奮武衛及泰山堡等處沛一國思則置
養濟院政之卓犖者殆已釐然舉矣其他庶績罔
不愆慎以故郡治二百餘禩稱綦修者今日也侯
暇謀日凡國之有政以宣德也以惠民也然匪誌

象州志

卷之四

記序

二十七

則政靡載而民惠弗永也故誌者自古重之非獨
今日然也且夫政者賢者為之而不肖議之知者
慮之而愚者眩之修潔之士以規以觀而異論之
夫諱且惡之甚者去其籍乃已故載之世世上矣
載之一二世次也止於目前斯下矣是誌所以措
政於不世者也其可以緩乎爰命博士甘君即府
誌中掇郡御史呂公所存草為一帙總列四卷析
類三十有八復裒集耳目之所覩記者益之侯以
公餘節加筆削而挈其要歸稿成持以示余後仍

遜其事而不屬諸梓余曰郡誌之不可無也况欠缺乎業成矣而可晦焉不傳乎嘗謂倉頡之書書之擅技者也不傳則今之以治以察者惑矣造父之車車之盡制者也不傳則今之以飾以辨者昧矣周孔之仁義禮樂說之盡道而不布之方冊則今之談治者佹佹然矣政弗誌非也成弗傳尤非也夫今者後之鏡是故後之賢而思治者以考阨塞則於山川形勢可覽^也以稽國課則於田土賦役可按也以遡政績則於秩官名宦可第也

象州志

卷之四

記序

二十八

以稽經畧則於兵防城堡可索也觀人文之隆替於其飭學政者凝神焉慨風俗之美惡於其崇教化者畢慮焉凡以求宣上德編氓有所注指規畫咸成憲乎今之所載而不啖齧焉則是俟之錫類後賢後民不厚以逃耶便俟匿其瑜晦其詮而不以傳之世世則今之政雖善音響也澤雖流旦夕也豈先民立德不朽之意哉故願侯之亟圖之也余不文然樂觀誌成敢僭言以弁其端

重修元妙觀記

廖起潛

象城南百步外有觀曰元妙按郡誌舊名景福至
大中祥符間改曰天慶元真元年改今額以奉聖
祖歲時長史率僚屬朝謁凡迎春賓興諸大典咸
集於此亦一方之勝地也余自入境後聞而造焉
入門升階但見堂宇傾頹廓廡敝壞羣其像貌塵
垢煙集多為風雨所剝蝕感慨係之因循視古碑
乃知國朝洪武十三年道士黃志廣募緣重修成
化十年舍人尹武輩又從而新之迨至宏治五年

象州志

卷之四

記序

二十九

州吏目馮瑄所百戶楊森暨城廂官民士女各捐
貲補葺歷今已若干年矣興廢舉墜之功將誰屬
乎乃昔鄉官馬西坡偕何生謨張生九敘高生悠
遠陶生成傑姚生化中何生訓郝生敏問周生之
岐何生所師等不忍其剝側巔仆為之請疏於予
以便羣緣之樂助適契予隱而未發之意遂秉筆
以書厥工告備用垂永久云

重修學宮記

朝謝象超

古之圖治者先欲教必視學之舉焉示教之有本也象學建自唐大歷十二年其初規模狹隘至以萬歷時郡侯維岳李公增其式廓始巍然改觀第歷年久遠風雨飄搖幾至傾圮丁亥冬漢陽誠齋張侯蒞斯郡朞月間利興弊革百廢具舉一日進予輩與紳士謂得方今

聖天子崇儒重道勅修文廟舉凡鄉學國學無不煥然州雖僻處邊陲然掇巍科拾金紫者代不乏人奈

象州志

卷之四

記序

三十

何坐視廟貌之將頽使先師神位日朶月削於寒煙蔓草中乎爰即捐俸以倡諸紳士賈級何燦賈朝玠李允治等皆體侯意庀木於山鳩工於衆經營尺度閱一載而成翼如秩如孔曼且碩以視碧瓦全傾榛莽充塞者何如耶侯於朔望釋奠顧而樂之謂予曰學之修也教之木也然修於身以達於世非諸生與子之責乎予聞命唯唯自今以後惟冀諸生遊其門履其闕砥節礪行績學能文以無負我侯振興鼓舞之意云爾輒不揣固陋為之

記

象
州
志

卷
之
四
記
序

三
十
一

送郡牧張公天訓修學序

李燾

國家設官公職原以興行教化養育人才而教化之所由興與人才之所由養則不外乎崇文廟重師儒培植根本以為首善粵西地屬邊荒兼兵燹餘氛學校傾圮禮教蕩如者所在多有補葺修明之功其所賴於良有司者非淺鮮矣象州牧張君朝議鶴湄公之長君中憲禹木公之孫也夙忝同寅江西丁亥歲張君諱天訓者奉

簡命來蒞茲土目覩宮牆摧頹之狀慨然圖新不借捐

象州志

卷之四

記序

三十二

俸以為紳士倡治工徭構土木躬親勞瘁歷歲餘而落成嗣乃享祀維虔講禮讀法於其內而多士向風蒸蒸蔚起遂使草昧山城忽漸變為禮樂文章之區夫乃嘆家學淵源者其為治自有本也比如之永安陳牧之設義塾廣陶成者其功蓋相伯仲云夫君與陳君咸楚產也生同地官同方興教化育人才無負

聖天子分士寄民之責者又無弗同其規為布置惟楚有材粵實賴之不可謂非斯他斯人之幸而二君

之黼黻

皇猷助宣文教他日立朝之大槩亦於此乎觀矣予明
晉秩宗倓偲就道未暇捃摭張君所為檄告屬境
然而鼓鐘作人之雅化其功足式而其事良可風
也用書誌盛以為官斯上者取效焉

象州志

卷之四

記序

三十三

重建義學記

陸 塚

塾之所以名義者何居義者宜也人生天地間大則綱常名教小則日用飲食莫不各有當然之理所謂行而宜之也義又利也學者本其所學作為文章發為事業所謂利用賓於王家也象州僻在龍城之南山縈水繞地秀脈奇欽鄉薦掇巍科代不乏人比年來寥寥無幾豈多士欲力於詩書而無其地無其人以朝夕象業而觀摩之歟予奉

命來牧斯土凡諸生謁見溫文爾雅洵為利用之才及

象州志

卷之四

記序

三十四

試童子藝情詞斐亶均有可造之資固思所以振興鼓舞之者蹤前牧崑山徐公創學於城南隅今傾圯無存所遺舊址用詹清和朔二日捐俸首倡庀材鳩工前後各建三楹旁設左右翼非予一人之力也又賴同城學正蕭公禮讓訓導黃公德龍署吏目嚴翼署巡檢蔡多奇暨紳士共襄盛舉延請名師以待勸課俾得此邦之士羣相琢磨奮起雲路與前代諸君子後先輝映斯舉動適其宜攸往咸利於用庶無忝乎此塾命名之意也夫

重建義學記

孫嵩

粵籍學校之設所以興民行育人才也盛世之士何以文行優功名立其上之所藉為裁成陶淑者必有讀書談道之地宮牆璧木以及家塾黨庠由來尚矣我

皇上振興文教飭窮鄉僻壤名建義學訓迪生童是以海澨山陬莫不詩書禮樂人文蔚起超越乎古今休哉何治之隆歟余奉

命來守壽陽見城之南隅有陋室數椽傾欹不整詢之象州志

卷之四

記序

三十五

署吏目嚴名翼者知為昔日義學州牧徐公所創前任陸公方興修葺以調任未克完工因思象郡雖係邊方而山明水秀人物濟濟百年來

聖朝教育恩深遐邇向化衣冠之子咸欲砥節立名家修廷獻苟肄業無所將因循怠惰不能興起則職司造就者不惟負

朝廷抑且負多士茲數椽者所關甚鉅乃節養廉之項以終修葺之功又得嚴尉力任其事鳩工庀村落成不日公務之暇偕同城諸公往覩見前後三楹

左右兩翼雖甚樸素而苟完苟美可蔽風日較之前此之傾欹不整者大相懸絕矣由此延明師偕益友朝夕課誦砥礪琢磨將見諸生學業日進自可模範閭里棟樑廓廟顯榮祖宗而垂裕後昆則守斯土者仰體

國家養士之意實在此數椽之義學所關豈淺鮮哉而余更有慮焉創設者徐公繼事者陸公至今日始成盛舉崇不時為完補則今後風雨飄搖復成頽垣斷砌其可藉以裁成陶淑為士子讀書談道之象州志 卷之四 記序 三十六

他俾皆優文行立功名乎是所望於後之長是邦者

重修城隍廟記

張琦

象州古壽陽地也緣州治之西有山焉每遇時和年豐輒有山雲靄鬱從下升上其形似象故州因是以名而往來名卿學士則指為瘴雨蠻煙之地若毫末不足稱者余自庚寅補任於斯猶幸事簡民淳得歷考其山川形勢約畧紀之東行不數里有所謂東崗嶺者嶺上有庵原係明鼎甲王公讀書處也當夕陽西下庵內之日光不散萬竅玲瓏庵名寂照題詠猶存憑西而望又有砂如龍舌

象州志

卷之四

記序

三十七

月出牛潭以及石落清音等處雖非勝景亦是奇觀至若玉屏天蓋山嵐疊翠樹影扶疎在在皆有生氣余不禁恍然曰斯殆地靈所鍾歟地之靈也民之福也而非有神力之助亦不克臻此也城郭人民廕庇惟神其與民最近而能護持夫民者莫若一境之城隍使其廟貌傾頽失所憑依又何以肅境內之觀瞻而示神威之赫奕哉爰集同城文武紳衿商所以修葺之以無貽民社羞言未竟均有同心遂各捐俸卜吉興工於是建兩廡設儀塑

諸神像復於殿後草創三間培山植樹招以僧人
庶香煙永賴接引無窮也至若文廟業經零星補
葺門徑稍可壯觀將思修整城池挽回地脈又值
調缺永康時難久持一切未完不無仰望於繼此
之牧茲土者謹勒碑銘聊志地靈人傑之一証云
爾

象州志

卷之四

記序

三十八

重修關帝廟記

蔣曰萊

象城南門

關帝廟僉稱為雍正九年前知州事孫公所創建豈前乎此者竟未有所建立耶抑年久傾圮重建未遑都人士遂以目前之舉為創始之役耶

國朝定鼎以來尊崇

聖德百有餘年春秋享祀儀典特隆追封

五王禮制尤重象雖僻處荒陬假使向無棟宇以棲

神靈雍正九年以前每歲恭行祀事何自而薦馨香如

象州志

卷之四

記序

三十九

係年久傾圮重建維艱孫公毅然起而捐建焉則前此廟宇創之者何年修之者何歲前後經理漂沒者多矣予故謂象志之不可以已而急急以從事也且天廟貌輝煌典禮攸關豈徒以飾觀瞻云爾哉任茲土者目覩廟宇之將傾而置若罔聞雖躬奉祀事歲月無違陳犧牲於破屋巖牆之下明明在上

神其享之乎且曷以昭

盛世崇祀之隆竭精誠而光俎豆也歲甲戌予奉檄來

牧茲土仰瞻

聖殿朽壞已極周歷牆垣傾塌尤甚計孫公捐建之年
僅三十載上漏下濕東倒西欹已至於此不急修
葺傾覆立見爰捐清囊亢材鳩工拆除朽壞詹吉
重建大殿三間東廊房三間西廊房一間

五王殿一座三間又修整頭門一座經始於乾隆乙亥
孟冬落成於丙子春仲計五閱月而工以竣棟宇
維新周垣鞏固時值春祭之期敬率同城恪恭致
祀禮成羣公相與語曰今茲工竣庶幾永無傾圮

象州志

卷之四

記序

四十

之患乎予曰物無不敝者勢也可使不致終敝者
賴有人事存焉倘今日新之繼此不復以時修之
風雨飄搖一轉瞬間已潰敗不可收拾矣孫公之
建之也曾幾何時夫豈料僅三十年傾壞一至於
斯乎積歲修理與拆造重建費之多寡事之難易
不待智者而後知也及時補葺歷久常新予安能
不拳拳致望於後之君子歟是為記

新建象州義學記

李宏潛

三代之隆家有塾黨有庠術有序國有學俾民之
秀者朝夕講肄其中將相以考道而成業焉蓋牖
迪之方莫善於親師工於居肄則遷於異物而業
不精君子不學則奪於外誘而志不篤是故人無
論智愚地無廣狹皆當有以陶冶而輔翼之書
院肇自漢文翁晉虞溥踵而行之唐元和李寬則
建石鼓書院宋太平興國二年知江州周述言廬
山白鹿洞學徒常數千人乞賜九經肄習真宗大

象州志

卷之四

記序

四十一

中祥符二年詔賜應天書院額八年并賜潭州嶽
麓書院額若夫州縣建立義學蓋亦倣摹書院之
遺意而變通之者其生徒不必皆大成凡以期於
檢束其身心而充廣其聞見迨乎漸摩既久遂各
彬彬乎臻一道同風之盛其所造就定遽減書院
之人材也哉余守象之明年度地為宮以處鄉之
願來學者又慮膏火之乏貲也捐俸為置田若干
畝歲取籽粒而給之於戲吾徒獲生堯舜之代目
不見兵革耳不聞追呼出負耒而入橫經何其幸

與人皆可以為堯舜秉彝物則之好靡弗從同慎
毋愒日玩時以負今日建學殷殷之意也夫
按記內置田若干畝係李牧於乾隆二十七年
率紳士韋廷任周啟芳捐銀五百兩本擬置產
為善後計一時未得膏腴現將此項交首事生
息以充膏火

新建迎春亭記

李宏潛

春氣萌動萬物資始故正月之文春秋特書迎春之儀月令首重蓋於四德則為元於八節則為首春之所繫大矣象州迎春例詣南郊三清觀顧觀久頽圯瓦礫填塞從事其間者或值風雨未免倉皇其奚以備觀瞻而肅將事於是鄉縉紳韋君等徘徊四矚謂宜建亭於其址余得有是哉所見之略同也因捐俸飲助之而亭乃成欽惟我

皇上至德如天湛思廣被民物昌熾草木薺藟而督撫

象州志

卷之四

記序

四十三

大臣庶司百職以逮鄉之賢士大夫悉能仰體德意吹噓羣動光化之世黍生陰谷不特向陽花木容易為春已也亭既落成爰以迎春題其額庶與都人士永永萬年共樂太和無疆之休云爾

州舊志序

歲貢 劉芳久
人本州

惟我郡侯祖夫子蒞任之三年政簡刑清利興弊
絕案牘之餘稽心故府慨然州志久闕計欲纂輯
成書付之剞劂以垂永久而江左于先生識高學
博力任其事爰即通志中掇郡事更益以父老遺
文大加筆削志遂告竣而命芳久以叅閱固陋如
久即有井見管窺曷敢污及簡編貽譏後世哉雖
然久聞之志以志事非一人一家之私事也必合
通郡之山川風土統古今之人物詩文並載於編

象州志

卷之四

記序

四十四

始于一時公之萬世務期其可信而可傳也象以
天南僻壤恒多裨官之載訛以傳訛非旦夕矣茲
郡侯首事修明于先生虛衷下問考疑辨誤正在
此時脫無所知而妄言非也有所知而諱言尤非
也譬彼泰山之巔不擇土壤故得以成其高江河
之水不擇細流故得以成其大一卷雖小一勺雖
微久又曷敢匿乎竊惟象自開闢以來建置非一
唐虞三代境屬荊州實要荒之地難與為稽及秦
開置之後山則有聖塘天蓋水則有龍角仙池鍾

靈毓秀屈指曩時人物如謝呂諸君子諒皆班班
可考而舊志何以闕如君子所以慨然於宋杞之
無徵也欣逢

聖朝雅化作人諸賢牧後先遺愛踵以郡侯承流宣化
撫恤維殷因之山川日獻其靈風土日更其故人
物日呈其盛文章日發其奇所當賡揚贊頌以耀
美於千秋者寧非我象人之責歟久樂觀州志之
成聊贅數言於簡未若夫序非作手不足以信今
傳後則更有望於郡侯之抒其奧蘊與諸名宿之

象州志 卷之四 記序

四十五

能文者

象雲說

舉人劉光烈本州人

郡西渡江二里許有山焉峭然特立正對瑤光樓
不象其形而象其名古傳每雨後日出山腹白雲
輒裊而成象經時不滅是說也予嘗疑之雲之變
態無常白衣忽改而蒼狗安在是山之雲獨有於
象也歲丙寅余讀書城之西南隅去樓不數武適
仲夏八日日午初斜清風不作予避暑其上倏忽
彤雲密布陽焰無光雲鼓為之施威天公於焉舒
笑滂沱蔽野林木滋垂已而天開霽色波淨沙澄

象州志

卷之四 說序

四十六

四山之煙光蕩漾瀑布飛空予方憑欄騁月心曠
神怡而山腰中祥光隱躍瑞靄畢呈紛紛縵縵秉
扶日之姿蘊從龍之志其質白以潔其形高而龐
不金羈不錦襜若舞若拜儼然長鼻柱蹄自南遞
北度陌而上者十數隊隊各分列成形不相牽雜
求之他山槩無有焉噫雲之奇亦至此矣吾聞之
趙雲如牛楚雲如犬周雲如輪魏雲如鼠以至齊
雲如絳衣秦雲如行人隨地賦形而名且以著矧
茲擅山川淑氣而散紫垣之彩者其相去不萬萬

哉考柳州雨晴添跡志美於錦章而後解刮目者
惟桑悅一人其餘莫能知概謂瘴雨蠻煙之地必
無事大觀何此雲不幸不昭章於泰岱之巔見賞
於當代名公巨卿而麗質此邊陲也雖然是雲也
觸石而起滃鬱於巖谷之間掩映於林泉之外舒
卷白如不泥成跡正無藉刻舟以稱其輕重也郡
有山山有雲雲類象山因名象郡亦名象是有雲
而山重而郡亦重矣然寧僅重一郡守哉

蓮池說

舉人周

楨本州人

乙丑春家君子避喧斗室中時取愛蓮說讀之輒掩卷浩歎謂蓮誠可愛而今日之孫枝胡弗克承祖志也已而有叩門以請者問其人則秦其姓問其來意則曰予有一池在東北闕距城里許縱橫百餘步中有一泉冬夏不涸願以贈吾子家君因往觀焉雖蕪穢不治而水色清淺可以澄志可以滌煩遂以五十金售之初鑿池自尹氏故號曰尹家塘後一變而歸閉氏再變而歸秦氏至所謂尹

象州志

卷之四

說序

四十八

氏者徒存其名訪其子孫則歸烏有嗚呼滄海之感不在是與家君子欣於所獲蠲荒穢荆蒙翳卉卉瑞草與碧池相掩映倏忽改觀遂植白蓮於其內及夏荷蓋青青已五十餘本秋花不過數葢猶未大觀歷歲三匝蓮始暢茂夏秋之交碧色接天香風撲岸亭亭靜植不蔓不支時家君攜小子楨顧而樂之不意往來之士漸相傳述而縉紳先生暨闔郡諸君子有逸興者皆翩然來遊共指而目之曰此蓮周氏所植也按周之為氏由道州遷南

海由南海遷象郡吾大祖濂溪先生宋室之名儒也夙以愛蓮著茲其子若孫植蓮數本以供玩好即謂克繩祖武乎然是池既由尹而屢售以歸於用則不得復為尹有矣當易之以周輒群呼為周氏蓮池噫周之名興尹之名不從此廢乎昔日之尹其不料為今日之周也必矣夫池之為池又寧有常主耶雖然予聞之勝地無常賢者主之竊意予大祖之主濂溪也迄今數百載而莫之能易則亦為其人耳今予家既以種蓮獲名蓮為周之蓮

象州志

卷之四

說

四十九

池為周之池則所以主此池者有不僅在此也故因而記之

象州志

詩鈔

詩紀山川谿谷草木蟲魚道風俗之盛衰驗政事
之得失故長于風風之為義異而順其感人也微
矣象雖巖邑有江山之勝林壑之美遷客騷人撫
時感事往往詠歌以見志亦採風者所不廢也志
詩鈔

七五
言古詩

題象守坐嘯堂

宋 孫 覲

象州志

卷之四 詩鈔

五十

治國如烹鮮馭民如牧羊薰狐廬自焚投鼠器必
傷曹侯百世師獄市寄全齊天下本無事庸人勿
擾之危機蹈潛弩惡吏冠虓虎飛走豈不高搖足
墮網罟使君古太邱妙割無全牛班春千騎曉長
嘯萬壑秋棠陰日轉午風簷翠蛟舞問道舍蓋公
誦詩選何武渭水占熊羆萬里笞羗夷試磨南山
石更草中興碑
別象州陳守容德
三年客殊方榮悴不堪說迢迢家萬里奄奄命一

髮使君古丈夫興衰在縲紲平生風馬牛舊職比
鵜歷欣然一笑餐破此百憂結皇恩下天扉淚泣
孤臣血行廚洗玉盤載酒助歡悅庖珍間五鯖餅
字炊十製徙突今未黔班草尺一訣何須更秉燭
端是夢中別

國朝

遊文昌巖

劉光烈

春郊日融融春林花馥馥引我歷層霄於以得幽
谷駐屐白雲間迴視千壑複江流曲而長隱見帶

象州志

卷之四 詩鈔

五十一

山麓垂柳疊旌旗恠石蹲虎伏衆鳥逞高飛和吟
托喬木洞口風徐來入門心肅穆不假修飾巧天
然成瑤屋虛敞覆重陰盤旋多蝙蝠蛛坐萬慮空
清冷沁心腹渺渺雲霧間仙蹤時往復斑斕石上
紋縱橫列碁局秦漢既久忘罔省晨昏促彷彿聞
笙歌苔崖綉新綠冷溜滴寒漿妙孕瑩瑩玉瑯玕
列玲瓏豁訝遶徑曲恍惚籜初抽更如角相觸萬
象皆標奇是處超塵俗混沌鑿何年創獲殊駭矚
漁父胡為乎桃源憶遺躅棄此朱明天遙望裏雙

足我願七日藏文成遂所欲

甘王廟碑歌

明 吳從拭

甘帥狗齊膽畧雄那堪南漢據潭中吳越見侵禦
敵鋒陰兵助捷奏奇功特除護國彰忠眷烈烈神
威千載現象郡士民爭走奠如響決疑禍福見佃
公性異好樂施慷慨遍周粵溜貲同叔誠明能預
知吉兇不待問龜蓍一日忽然聚閭里修身秘密
傳真指厭塵瞑目遊太始廟貌巍巍肅禋祀苾芬
俎豆列肴牲於休哉百代贈封無有已

象州志

卷之四

詩鈔

五十二

五言律詩

海南送韋七使君赴象州

唐 陳陶

一鶚韋公子新恩領郡符島夷通荔浦龍節過蒼

梧地里金城近天涯玉樹孤聖朝朱紱貴從此展

雄圖

九日次獻花舖

李衛公貶海外道過象州蠻女獻花於此

宋 孫覲

古路三叉口青裙兩髻了更無陶令菊空想衛公

花破屋堆黃葉清江縹白沙慙慙邀一醉蛋酒壓

梨楂

過象州

蔣山卿

秦皇開象郡茲事已千年臺古埋秋艸城荒起暮

煙江天雲漠漠石嶺月娟娟萬里慙漂泊因風懷

昔賢

國朝

象江亭

方克任

馬平人

亭峙山城外高低見石泉龍沙浮岸荻菖嶺起晴

象州志

卷之四

詩鈔

五十三

煙門對青蘿樹窗開黃葉天此間堪放眼醉倚白

雲邊

熱水泉

幽壑流砰湃溶溶就淺深仙源炎火熾清液暖霞

侵淑氣生浮漭薰風滿碧潯冷腸如可洗聊為滌

煩襟

瑤光樓晚眺

覃思堯

本州人

薄暮登城上樓空望遠青沙頭排宿鷺波底浸疎

星岸柳悲秋瘦漁燈照水冥歸來誰是侶明月滿

牕櫺

象臺山納涼

蒸人惟酷暑時地約相同山氣侵衣潤霞光映面
紅沙明龍舌見雲靜象形空偶爾臨江望披襟納

晚風

七言律詩

到象州寓行衙太守陳德容攜

宋
孫
覲

釘餽黃柑喫手香堆盤丹荔照人光莫辭蛋酒一

象州志 卷之四 詩鈔

五十四

樽赤會壓瘴茅千里黃未省讒言遭惹苴直將空

腹傲檳榔酒醒夢覺知何處樹影參差月滿廊

南山寺二首

千丈雲根蔭此邦沉沉寒影臥秋江潭空映日蒼
虬動煙暖翔沙白鷺雙夢覺灘聲喧客枕吟餘竹

色滿僧牕詩成絕叫層樓上聽我洪鐘萬石撞

安心是樂本非禪遇勝欣隨意所便嚼蔬拈花身

老矣穿林渡水思茫然行逢酒伴搯觚去倦憇僧

窗借榻眠寄語後來問津者人中今是地行仙

寄謝象州守周源屯田

趙抃

念公別後固依然蜀距炎方里數千劍棧過來纔
一月詩筒傳得已三篇胸藏忠誼堅於石口吐文
章湧似泉何日解符還闕去如今朝野不遺賢

象州道中二首

李綱

路入春山春日長穿林渡水意徜徉溪環石筍橫
舟小風落林花撲焉香山鳥不知興廢恨嶺雲自
覺去來忙炎荒景物隨時好何必深悲瘴癘鄉
竹屋茆簷三四家土風漸覺異中華碧榕枝弱還

象州志

卷之四 詩鈔

五十五

生柱紅荔春深已著花社燕不巢南候別塞鴻無
信北音賒海山此去猶千里會見安期棗似瓜

記獐俗六首

明 桑悅

動講襄公九世讐通情洗面只償牛以陪禮親鄰
相助歌迎鬼冬十月歌鄰各攜牲口來助男女分

行戲打毬赴敵護頭裝鳳翅占疑隨手擲雞頭幾
回緝事軍先覺木刻傳村有別謀

飲食行藏總異人衣襟刺繡作文身鼠毛火淨連
皮炙牛骨糟酣似酒醇小語相侵隨致怨清歌互

答自成親謂唱歌 趁墟亦有能裝束數朶銀花綴

網巾

山深路遠不通鹽蕉葉燒灰把菜醃女髻風鬟純

黑綰男頭雨笠盡紅尖租田亦與人分柳民分禾皆

為分柳 摘穉惟將手當鎌間有十冬驅賦後欲詢無

計召交譚土人名公冬

村村竹木占山鄉屢殺人民似犬羊冬盡水乾兼

送哨春來箐密喜裝塘能通官語惟村老慣結同

年是熟商稱相交者 夫子居夷心一片清燈閒坐

象州志 卷之四 詩鈔 五十六

細思量

除夜雙盤貯鷓鴣清晨蟻集看何如除鷓鴣二置油於

地早看集黃蟻多則強則 斫牛伏地心先動欲行斫牛以

則止躍 牽犬登山樂事多毒藥煎成封弩箭純綱鍊

就作干戈殺人每講陪頭物有數從來實不孚如

十俱當凡牛羊

姓同處處是華宗稱同姓者 朝甫先加老喚公初

老某名公某甫 三界有靈焉助虐諸馮非祀肯相容

只將刦奪為生理亦以均分示至公誰把峯巒齊

一剷平疇萬里盡歸農

遊文昌巖

張翀
馬平人

西風七月暑初收浴罷溫泉更此遊仙客何年生

羽翼虛崖白日自春秋苔封古篆留丹洞雲鎖山

門遶碧流勝地不禁清興發孤峯一嘯起寒颼

金雞巖

呂景蒙

開闢初來有此巖年年幽閉在山南穴分內外三

天列巖中有上下乳滿乾坤萬象涵融出二仙當洞

府巖似口有二人形秘通一水作齋壇巖山下有一泉已於

象州志

卷之四 詩鈔

五十七

歸隱為休計且向東臺築呂庵

熱水泉

劉志英

煙暖霞蒸景未磨仙源彷彿落銀河井邊丹汞燒

清液琴裏薰風起綠波飛瀑流雲輪靜穆冷泉寒

月少陽和分明既濟滋離火莫作尋常水石歌

國朝

遊六祖巖

劉光烈

山徑蕭條古洞開白雲深鎖舊經臺半爐煙冷埋

青草滿砌花飛點翠苔秦鳳空傳人跨去遼城幾

見鶴歸來振衣直上舒長嘯或恐天仙暫脫胎

象州八景總題

秦宏智馬平人

嵐晴天蓋錦光浮碧玉屏開翠欲流雲起春山呈

幻象潭臨秋月映全牛環峯濮水千層浪遠浦漁

歌一葉舟更愛聖塘仙境好遙連夕照過崗頭舊志

雲出春山觀馴象按馴字是平聲不作仄聲讀未
免失拈况象乃雲氣所結非真象也故易去三字

南樓晚眺

方克任

高樓兀峙俯溪山晚眺生情大野閒煙結遙岑天

漠漠水流遠浦日潺潺斜陽野渡歸遊騎芳草孤

象州志

卷之四詩鈔

五十八

村隔洞蠻最愛綠楊依古岸漁燈數點出前灣

天蓋晴嵐

江容淮

孤峯突兀峙南天嵐擁晴光氣萬千雲淨青霄涵

秀色水流碧澗度清漣石林蔥鬱歡禽鳥丹竈氤

氲憶羽仙山景無端多變幻凌風凝眺意飄然

玉屏曉翠

一障蒼茫列遠空曉光浮動淡煙籠晴添黛色雲

初郁露浥春容日乍紅盈幘綠生巖磴外滿函青

湛有無中琉璃入座摩城北翠靄臨晨碧漢通

象嶺春雲

飄渺山頭煥爛生紛紛春霽滿江城橫空每切從
龍願度嶺誰教得象名濕潤東畚禾黍茂影連西
郭雨暘平油然添跡和風裏不羨崇朝觸石成
牛潭秋月
寒光一派夜遲遲水月逢秋景更宜輪滿綠波天
一色珠浮滄海浪初移分明玉兔涵清瀨彷彿菱
花照碧池意味尋來萬籟寂微風搖蕩桂林枝
濮水名泉

象州志

卷之四

詩鈔

五十九

玉液涓涓景獨殊仙源支派出方壺龍麟映水連
松檜鷗鳥隨波隱荻蘆響帶潮聲鳴雜珮浪搖月
色散明珠水心淡蕩歸何處一勺飛泉想五湖
聖塘仙境
千嶂依稀姑射山雲煙深鎖許誰攀桃源有路知
何處瑤島無塵非等閒潑刺遊魚潛碧浪繽紛殘
葦落銀灣仙蹤不使漁郎問鎮日微茫露髻鬟
西浦漁歌
欸乃菰蒲不繫艇扣舷清調徹江沙遏雲聲起爭

梅韻白雪聽殘隱
荻花明月一竿天
籟寂輕風半艇水
波斜等閒我欲携
簑笠好把新詞唱
落霞東崗夕照

紅霞一片影依微
倒映層崗夕照輝
羣岫空明穿洞壑
疎林光影碎珠璣
村墟牧豎趨牛返
遶樹鴉雛傍母飛
日落暉藏風淅瀝
寒煙遙起四山圍

象州志

卷之四

詩鈔

六十

象州志

雜錄

雜以言乎義之不一也諸志修分縷析各從其類不能以類附者則牽連書之別為一卷以殿志後用廣叅稽之助志雜錄

州南里許江之東岸名石龜坪有石內產石龜州人如相約往取日不獲一若不約往則獲而歸按石龜形同黃蜺即石燕也以醋摩其頂則旋轉盤匣中用米畜之數月後尚能遊走

象州志

卷之四

雜錄

六十一

五馬沿江走三星水面浮有人葬得著代代出公侯五馬山名三星州江上大浪黃昏牛角三洲其謠不知起於何時

惠濟侯王即甘將軍也祖塋在州城東鳳凰山墓前地方圍四尺許履之鏗然有聲

甘將軍陸有仙術率兵至塘頭村之南炊飲熟螺以食適敵至陸即置釜於地傾螺於田率兵往禦後他處所產螺俱有蓋惟此田中獨無置釜處渾然釜形印於石上至今猶存

西鄉里大殿村北二里為屯田墟當道有大石一方圍丈餘高可四尺上有注水池濶二尺深一尺終年不涸不溢趨墟人賴以濟渴好事者戽之竭頃刻復盈如故
田明琦山東人康熙年間任象州牧一日之柳郡舟次洪瀨灘有鳥飛鳴而過呼田知府三字儼如人語後越月果陞署柳州郡守遂立詞於洪瀨至今尚存

榮陽鄭璠自象江得恠石六其三聳而銳上又一

象州志

卷之四

雜錄

六十二

如世間道士存思圖畫人肺胃肝腎次第懸絡者又一空中而隱外若癰癭殃疝病不作物者又一色紺碧而理平漫彈之好聲璠為象江三年不病瘴平安寢食及還長安無家居婦兒寄止人舍下計輦六石道費俸六十萬璠嗜好有意極類前輩人
嶺表山川盤鬱氣聚不易疎洩故多嵐霧作瘴人感之多病腹脹成蠱俗傳百蟲為蠱以毒人蓋濕熱之地毒蠱生之非第嶺表之家性慘害也

飛蠱其來也有聲不見形如鳥獸啾啾唧唧然中
人即為痢便血醫藥多不瘥旬日間必不救
蠱藥種類不一用法亦嚴或以土木易人五臟或
置雞鴨食中入腹復生長翹足或攝入魂至家終
夜力作力竭乃死或移他家貨物入已平樂梧州
亦有之漢人有捕得造蠱者則羣執生瘞之或投
烈火中
挑生者妖術也以魚月請人遂作食於中人食之
則此物遂活於胸腹害人至死而後已也嘗見范

象州志

卷之四

雜錄

六十三

石湖桂海虞衡志載當時李壽翁為雷州推官得
一方甚妙云食在胸膈則服升麻吐之在腹則服
鬱金丹下之仕宦長病此故為揭之

蠱毒民間無有惟獐婦畜之人入獐村占其屋下
無灰煤及婦人而色黃眼弦赤爛者即知為有蠱
之家用銅筋遇食而敲其碗蠱即避之不能為害
或用銅筋插入飲食中而輒黑者弗食
凡中蠱者顏色返美於常妖姬望之而笑必須叩
頭乞藥出一丸啖之立吐奇恠或人頭蛇身或人

足六翼如蝮斗子斬之不斷焚之可燃用白礬澆之立死否則對時復還其家余久客其中習知其方用三七末葶薺丸又用白礬及細茶分為末每服五錢泉水調下得吐則止按古方取白蘘荷服其汁併臥其根呼蠱者姓名則其功緩也

嶺表或見異物自空而下始如彈丸漸如車輪遂四散人中之即病謂之瘴母

嶺南不但煙霧蒸鬱亦多毒蛇猛獸故編類集及嶺外代答本草諸書備言蛇虺蜈蚣諸毒最當謹

象州志

卷之四

雜錄

六十四

者夜起不可倉卒亦不可無燈又不可不穿鞋襪嘗聞有人中夜下榻而蜈蚣偶棲草鞋上傷其足得香白芷並雄黃末服之藍澱汁傅之乃愈又一村婦倉卒吹火不知火筒中偶有蜈蚣驚竄入喉致下腹膈悲聲求救旁一人云以小豬斷喉取血又雞血尤妙令此婦頓喫須臾更灌生油一口遂惡心蜈蚣滾在血中吐下續飲雄黃水方漸安又有人被蝮蛇咬遍身腫裂口吐黃水良久悶絕有一道人以新汲水調香白芷末二錢灌之立甦再

服即愈道人云此合用麥門冬湯今倉卒以水代之亦效又有被蛇傷而垂困者一僧以五靈脂一兩雄黃半兩為末酒下一錢即愈又方如前治蜈蚣藥或得白礬火上炙洋滴在傷處亦可又虎傷亦以白礬末搽瘡封裹之蜈蚣傷又用雞冠血及雞屎塗亦可又方取大蜘蛛一枚縱其嚙所傷處令吮其毒候蜘蛛困悶自落卻滴冷水數點以活之如覺未愈更取一枚嚙之便毒盡自愈治蛇入口并七孔中者割豬母尾瀝血口中并孔中即出

象州志

卷之四

雜錄

六十五

卒為蛇繞不解用熱湯淋之或以人尿治之蜘蛛飛絲入口用紫蘇葉嚼之即愈
南方天氣溫暑地氣鬱蒸陰多固閉陽多發滯草木水泉皆稟惡氣人生其間元氣不固感而為病是謂之瘴輕者寒熱往來正類疴痰謂之冷瘴重者溫熱沉沉晝夜如臥炭火中謂之熱瘴甚者一病失音莫知其所由然謂之瘴瘴冷瘴不死熱瘴久而死瘴瘴無不死此方書之說也愚謂瘴瘴者非傷寒失音之症乎非中風不語之症乎治得其

道問亦可生安得謂之無不死即若熱症乃是盛
夏初秋茅生夾道人行其間熱氣蒸鬱無林木以
蔽日無水泉以解渴伏暑至重因而盛疾或飲食
不節偶成此癥熱晝夜不止遲治一二日則血凝
竟不起矣南方謂之中箭又謂之中草子然挑草
子法以針挑頭額及上下唇仍以楮葉擦舌皆令
出血徐以藥解其內熱應手而愈安得謂之久而
死耶至於冷瘴或寒多而熱少或寒少而熱多亦
有疊日間日之異及其愈也瘡發於唇驗其癥即

象州志

卷之四

雜錄

六十六

是瘡本非重病每因誤治而致禍亦不可以不死
而忽之但診脈息極微見其元氣果虛與附子川
烏等藥而愈或誤投以寒藥所謂承氣入胃陰盛
乃亡若診其脈息洪盛審其癥候實熱且服和解
等藥而徐治之或誤投熱藥所謂桂枝下咽陽盛
則斃但診脈而用藥萬不失一然觀其形氣之怯
壯察其脈息之虛實叅以病之盛衰分其病之陰
陽極工巧以審之其庶乎頃自入廣以來但用修
養之法晨興浣漱後先服平胃散或投以不換金

正氣散洗面後炎少粥已時早食申時晚食夜則
服消食等服象食宜節飲不宜大醉及頻數耳但
一日之間寒暖數變須脫著以時少食生冷則脾
胃自壯少食油膩則胸膈自快無大忿怒以傷天
和重節色慾以固真氣如此調攝決可以無恙也

故宮圖書館舊藏乾隆二十九年
刻本民國二十二年六月本館重鈔